

滇行日記



序

山陰周金然謨

滇行日記二卷侍讀李漁村先生典試滇南時道中所筆記也先是五月上浣先生奉

使爲西南萬里之行迨至六月下浣而余亦銜

命采風三楚怒卒戒塗計余及武昌則先生已達華陽矣使事旣畢先後還邸門余方追惟百舍之所經茫然如烟雲好音之過于耳目旣而受先生所爲日記而讀之則又不覺曠然而心怡色然而神馳若窮荒徼而探幽奇不復知其身之繫於京師也因自念六七月中火雲赤日溽暑淋雨交蒸互爍馬煩車殆

滇行日記

開序

當其日暮投驛而神與境固有不和屬者矣又何暇汲汲訂其山川風土之蹟哉而先生自丙申出都訖于巳未始抵滇池凡八十有四日蓋靡日不書而其所書又皆采逸遺覈故實民風物態地險時變碑碣之文字亭壁之篇章參錯蒼萃疏通而證明之余用是益悵然自失而歎先生神明之完固筆墨之飛騰爲不可及也夫荆湘以南卽爲上古三苗之地過此益險阻昧沒雖禹嘗導黑水實棄之荒服外周詩載十五國風猶不及於楚而况其遠者歟自漢以後雋昆明稍通中土然班范之書所載甚略厥後袁滋樊綽輩屢至其地各有編錄而滇記始詳今則隸版圖

者數百年矣先生跋履者三月而巒烟瘴雨深箐怪
花洞戶礪房波潏雲片之奇觀可以指掌而畫豈不
快歟嘗考傳記槃木之詩三章獻于漢世驟國之樂
二十二曲奏于唐年鄭回揭石碑而紀德異牟尋遺
帛書以歸誠布燮之彩箋紫琮之爨舞皆有足采者
而高泰運入朝于宋得經籍六十九家以歸則尤文
學風雅所由出也至如阿禱僧奴愁憤怨歎之什作
于繡闈淑女君子未嘗不悲其志焉昔長卿使西南
而牂牁盛覽請其賦心用修居未昌而麗江木公與
其詩派先生一過而滇土文明之化其必有光于曩
冊也夫

序

海豐吳自肅撰

漁村先生典試滇南作滇遊日記余受而讀之而嘆人之才識何相越之什且伯也夫先生庚午所來之道卽余戊辰所來之道自辰迄午凡三年余歷滇中兩迤曲折盤互又不啻從燕至滇之遼濶也由今憶之恍若浮雲聚散欲攬擷之而一無有矣先生十旬中山川風物若奔走環繞於楮毫間勒成一書可垂不朽如指南之車記里之鼓焉且古人紀遊編次以日非徒謂山川風物過者不可遺忘也必有感發於中卽其見聞肇爲緯繹况輶軒所屆則小雅之詩曰

滇行日記

吳序

諏謀曰度詢皆在道途而爲將君命奉簡書之事故山川風物所一過再過者多矣非鑄古鎔今而馳騁藝場得其要領則單詞不足以蒼萃累牘亦失其體裁情不會境限於才也非應物籌時有囊括宇宙之槩則平險失宜位置無節凡爲理亂興廢之所關者竟視爲玩物適志而少所鑒別雖若三都兩京之富繁而得末忘本昧於識也抑才識備矣非精力以貫之夙興夜寐懇惓勤瘁之思稍有間焉則顯者得幽者逝矣在前者可取上下左右不及察矣求之訪問域之心神皆足以困其才識而何足以記余故曰才識之相越至於什且伯也所以余之行路愈多而愈

夫之也先生輜軒一出志已在金馬碧雞之間舉其
人文衰盛之故預立經綸耳目所接步步籌之步步
皆可記勒成一書以垂不朽宜也豈特山川風物之
不忘哉

滇行日記

吳序

二

滇行日紀 上卷

東武李澄中漁村著

康熙庚午秋予奉

命典試雲南念舟車經過萬餘里將日記所歷以示子孫庶備異時遺忘且輶軒采風使臣之職也故約略其山川風土爲他年入滇者告焉

五月端陽後一日丙申出彰義門十里許大雷雨日西至盧溝橋橋建於金明昌初壯偉甲南北盧溝本桑乾河也亦曰渾河又曰小黃河又黑水河又蘆菴河土人名豬龍河是日宿良鄉水經曰聖水東過良鄉縣南卽其地也

滇行日紀

上卷

丁酉至涿州漢涿縣也在范水之陽漢涿郡故城亦在此應劭曰黃帝與蚩尤戰於涿鹿是也有督亢陂溉田膏腴荆軻獻圖於秦通典風俗通沆漭也言乎淫淫漭漭無崖際也沆澤之無水斤鹵之謂也索隱曰燕太子丹與樊將軍置酒華陽館出美人奇馬卽此水經注聖水又東逕涿縣故城下與涿水合世以爲涿水亦謂之桃水又云東逕涿縣鄉亭樓桑里南卽劉備之舊里也

戊戌過桓侯故里道傍八角井云桓侯井也有廟顏張顯王廟村中至今多張氏子孫焉十餘里至范陽故城又經祖村士雅故居也

己亥發定興亭午至安肅九域志太平興國六年析
易州隋城縣地置靜戎縣景德元年改安肅易水至
古河陽城昔燕太子丹送荆軻於此縣境有左伯桃
墓訪碑錄漢左伯桃碑在安肅縣西十五里墓前今
無存時復雨望遠樹空濛如畫人影滅沒其中亦一
奇也是日抵保定隋清苑故地

庚子雨晴望太行蜿蜒起伏數千里若指掌

辛丑出慶都慶都漢望都縣堯始封於此堯山在北
堯母慶都山在南通典三里許有堯母鄉第一泉又有

龍泉河溉田三百餘頃其地沮洳多蒲葦之利焉日
中過定州漢中山郡也中山記曰城中有山故曰中

真行日記

上卷

二

山今城中何常有山哉新樂南十里有伏羲畫卦臺
泯然無復存者日西過麥飯亭光武戰河北處也

壬寅發伏城驛至真定通典曰古鮮虞國之地始皇
興兵塞井陘日韓信東下井陘皆此地九域志登陽和

樓有詩五里渡滹沱河至樂城止焉

癸卯抵趙州遊柏林寺觀壁間吳道子畫水至今趙
州人多畫水蓋其遺意耳是日至柏鄉漢鄆縣地光

武卽位壇在此通典

甲辰至內丘漢曰中丘隋以國諱改之通典

乙巳內丘南二十里過圓津菴菴內一松甚古其後
爲藏經閣迤東疊石成小山構亭其上俯池荷有致

距順德三里有豫讓橋古祖乙遷於邢卽此地通戰

國屬趙輿地廣記故其地亦曰襄子故都云

丙午道出沙河縣故襄國地也一統志縣南有宋璟墓

碑為顏魯公書歐陽棐集古錄云大曆七年九月璟

孫儼追建十里行蒼沙中又二十五里至臨洛驛水

經云洛水東流經曲梁城是也再三十里過呂仙祠

祠有鍾離權及盧生像入門一池構亭其上通來往

焉日暮抵邯鄲北門內觀叢臺遺址邯山名鄲盡也

趙王如意溫明殿在焉通典風俗通曰邯鄲氏以國為

姓

丁未過賀蘭山賀蘭真人居此名勝志將至磁州二十

真行日記

里夾隄楊柳如畫道左荷花稻塍間之人行其中渺

渺作濠濮間想矣磁州出磁石九域志本草云磁石鐵

之雄鼓山亦名滏音父山滏水源出州西北鼓山泉源

奮湧若滏揚湯故以滏口名之其水冬溫夏冷卽山

海經滏水出神菌之山也寰宇記

戊申磁州南二十里渡漳河按漳河之源有二一出

山西潞州長子縣名濁漳一出平定州樂平縣名清

漳俱東至林縣合流一統志時河漲初消濁浪滾滾如

沸蓋發鳩山之漳水濁漳也北岍為古鄴城遺址尚

存河東南十五里銅雀金虎氷井三臺並峙相去各

六十步日中過安陽橋洹音恒水經其下橋故名鯨背

矣。晚抵彰德古西河地也。署有天琴亭。賦詩題壁。

己酉彰德南二十餘里。經古羨里。至湯陰縣。本漢蕩

陰地。羨水出縣西北鶴山下。經羨城。過亦曰牖里。其

城曰防城。水自其城下。亦曰防水矣。寰宇記唐貞觀元

年改為湯陰。以水性微溫故名。名勝志謁鄂王祠。岳氏

子孫蓋寥寥焉。又十里許抵嵇侍中祠。又數里為侍

中墓。再數里至扁鵲墓。相傳墳上土可療疾。禱而求

之。或得小丸如丹劑。名勝志晚抵宜溝驛。縣西南有宜

師溝水。殊寒。土人目為冷泉。圖經魏文帝幸洛道病。

有師巫愈之。因名為宜師溝。今宜溝驛沿此名。

庚戌過淇水。澄泓噴薄。激石橋有聲。亭午抵淇縣。古

滇行日記

上卷

沫邑也。亦曰殷墟。又號朝歌。晉灼曰朝歌者歌不時

也。淇水出彰德府林縣西大號山。一統志其地有鉅橋

鹿臺糟丘酒池之事焉。論語撰考識曰邑名朝歌。顏

子不舍。七十弟子掩目。宰予獨顧。由歷墜車。宋均曰

子路患宰予顧視凶地。故以足歷之。使墜車也。水經

注漢武帝塞決河。斬淇園之竹木以為用。寇恂為河

內伐竹淇川。治矢百餘萬。以溢軍資。今通望淇川。無

復此物。城南有殷三仁故里。十里許為新脛橋。又二

十里。經蘧伯玉墓。又十里有殷太師比干墓碑。後魏

孝文帝紀太和十八年十一月甲申。經比干墓。親為

弔文。樹碑而刊之。趙明誠金石錄謂碑首殘闕。其陰

盡紀侍從羣臣官爵姓名。又載唐貞觀十九年有贈比干諡范純。隋書兩碑俱無存矣。薄暮至衛輝府。相傳城西南二十七里爲魏襄王墓。漢初有人於此冢盜金得竹簡書十餘萬言。世號汲冢書。時急雨驟澍。竟夜乃已。

辛亥雨晴。食時雲四面起。如馬如獅如象。惟太行山雲洞黑尤奇。是日過新鄉。謁湯廟。至亢村驛。

壬子渡黃河。望廣武山。想楚漢戰處。廣武本土山。北枕黃河。河乃折而西。無橫決之患焉。輿地廣記曰。上有東西二城。中有絕澗。漢高帝項羽相與臨廣武之間。而語卽此。有敖山。所謂敖倉也。過滎澤縣。禹貢濟

滇行日記

上卷

五

水溢爲滎。今濟水不復入滎也。通後漢顯宗東巡泰

山。至滎澤。有飛鳥翔集。因命虎賁王吉射之。鳥上下

其聲。吉曰。烏烏啞啞。引弓射之。洞左腋。陛下壽萬年。

臣爲二千石。旣而射鳥中之。賜錢二百萬。至今滎澤

亭堡之間。猶多畫鳥。卽其遺也。夕次鄭州。古高辛氏

火正祝融之墟。周初封管叔於此。通王維宿鄭州詩

朝與州人辭。暮投鄭人宿。宛洛望不見。秋霖晦平陸。

癸丑過鄭故都。次新鄭。古郟國也。名勝志有溱洧二水。

通新鄭東北三十五里有古郟城。輿地廣記云。古有

熊國。黃帝所都。羅泌曰。云都非。其茨山又名大隗山。

水經注。黃帝登此山。升於洪隄。受神芝圖於黃蓋童。

子。今其山有軒轅避暑洞。括地志子產墓在新鄭西南三十五里。

甲寅出新鄭數里道傍多棗柿髣髴青間物色也。至此始見山雖尋丈其巖壑之勢稍西一山頗峻道。士曰雨蓋山也。又十里許雨垂垂將至遠望道左地中湧濃烟若孤塔高數丈尾鋒銳直入雲際雲邊白且明似凝寒水焉。衆驚甚久之色漸赤或曰龍挂也。又久之色變黃中忽斷其下爲平臺化作黃霧迤南又起烟一縷初不甚真未幾旋攪若飈輪下麤而上銳其變化如前亦散爲黃霧馬前不數武又起黃塵二道其勢相逼衆疑畏益甚方旋攪時忽大風至乃

滇行日記

上卷

六

散。是日宿禹州。寰宇記云卽禹之都。春秋鄭櫟邑。禹山在城北潁水之南。統又有鈞臺陂。左傳夏啓鈞臺之饗是也。已雨止登署中樓樓爲明徽王故居。自成化中卽廢。今爲公廨矣。

乙卯將發禹州聞昨風起處穴地爲龍湫大如三間屋深不可測南四十餘里經周八士墓晚抵襄城襄城本鄭地周襄王避叔帶之難出適鄭以襄王所居因曰襄城。輿地廣記徐君墓在城北一十七里卽季札使鄭還挂劍而去者首山直縣南五里史記申公巨天下名山八而三在巨逃五在中國首山其一也。望嵩樓在縣城中唐開元時建高適送廖彥謀詩九陌逢

君又別離行雲別鶴本無期望嵩樓上忽相見看盡
花開花落時

丙辰渡汝河河勢壯濶一統志謂汝河在襄城南東
流入黃河又有蛟龍池左傳鄭大水龍鬪於時門之
外洧淵卽此迤南三十五里至汝墳橋其下爲渚水
後漢光武破王邑會大雷風雨下如注渚川盛溢是
也又數里經沮溺耦耕子路問津處輿地廣記黃成
山長沮桀溺耦耕焉名勝志云黃成山或云卽方城
山一名苦菜山一名長城山乃沮溺耕處其下有東
流水卽子路所問津也是日宿葉縣縣本楚地楚葉
公邑也通典其地有翫龍臺雙鳧觀不及遊和歐陽未
滇行日記

上卷

叔次葉縣詩

丁巳經荷篠丈人止子路宿處三十里至澧河水經
注云澧水東過西唐山是也迤南爲葉縣故城又六
十里過光武廟廟前古柏二株傍附凌霄花花大如
盂映柏枝作赭色皆數百年物也是夕抵裕州

戊午渡清水俗名白河其源自嵩縣雙雞嶺東南流
經南陽新野會梅谿諸水至襄陽入漢江一統志其水

有六門堰召信臣所造以擁湍水累石爲之傍開六
門以節水勢九域志史云諸將立更始於清水上卽此

薄暮過獨山古豫山也入南陽始皇平天下置南陽郡兩

漢因之通典以地在中國之南而居陽爲名名勝志光武

勅南陽撰風俗記。隋地理志。南陽古帝鄉。縉紳所出。韓愈過南陽詩。南陽郭門外。桑下麥青青。行子去未已。春鳩鳴不停。

已未。在南陽。日中出郭門。西南行約七里許。至武鄉侯祠。祠前有坊。大書昭烈皇帝三顧處。中爲祠三楹。其後小方亭。一碑鐫前後出師表。又八角亭。乃草廬也。名勝志謂諸葛井在草廬前。青石爲牀。有汲綆渠百十道。數竟不能盡。今草廬前無井矣。最後一樓。顏諸葛書院。登樓望岡。勢外高中。窪迴抱若龍形。故號臥龍岡。云李白詩。赤符起顏運。臥龍得孔明。當其南陽時。隴畝躬自耕。

滇行日記

上卷

八

六月庚申。渡白河。午過白水村。吊光武故蹟。杜佑曰。棗陽縣後漢蔡陽縣。光武舊宅。在今縣南二里。有白水焉。張衡所謂龍飛白水也。是日並白河行。薄暮至老白河。淺水青莎。與浴鳧飛鷺相映。抵新野宿。新野漢舊縣。或曰棘陽縣。樊陂在西南。有光武臺。鄧晨宅。通典辛酉。雨。在新野。解前爲孔明議事臺。遺址巋然。名勝志。一統志。俱作議事堂。誤。

壬戌。雨中發新野。七十里。再渡白河。抵樊城。仲山甫之國也。九域志晚渡漢水。時月落平江。江水浮月光。滾滾若銀虹。達船下。乃乘月入襄陽。習鑿齒襄陽記云。

楚之下邑也。杜佑曰：襄陽去江陵步道五百，勢同唇齒。無襄陽則江陵受敵。北接宛洛，跨對漢河，爲鄢郢門戶。其地有峴山，羊祜與鄒湛等常登之。今墮淚碑在焉。有鹿門山，龐德公隱居之。所有楚望山，古馬鞍山也。晉劉弘山簡晏遊於此。武陵王愛其峰秀，改曰望楚山。輿地廣記襄陽耆舊傳謂峴山碑是李興初撰。梁大同十年，以故碑闕落，命劉之遴改撰。劉靈書之。見趙明誠金石錄。按李白詩云：晉時羊公一片石，龜頭剝落生莓苔。則開元間晉碑尚存矣。大隄城卽今城。銅鞮坊在城內，習家池在城南。

癸亥自襄陽城中南望虎頭山，稍東卽峴山，亂峰嗟

滇行日記

上卷

九

峨似螺髻，浮女牆上。遵峴首而西眺，隔江烟樹如畫。復傍江行，日中忽大雨，江灘上下空明相接。至小河村憇焉，復循江听行，江稍遠卽宜城。故鄢楚之別都也。輿地廣記其地出美酒。通典名勝志謂金沙泉在縣東二里，其泉造酒甘美，世稱宜城春。又名竹葉春。孟浩然詩：宜城多美酒，歸與葛疆遊。今泉久湮，塞酒殊惡。冠蓋里，自府治峴山南至宜城界，俱是。又有昭王廟。按志：昭王故城去今縣東北三十三里。韓愈詩：猶有國人懷舊德，一間茆屋祭昭王。

甲子行荒山中，四十里渡新店河。河漲方急，小舟搖漾甚輕。道傍茅長丈餘，管子所謂江淮之間一茅三

脊是也。名勝志謂麻陽東六十里有苞茅山。其茅三
脊。可以縮酒。卽春秋入貢之茅。其實自宜城而南。茅
雄偉異。江北凡茅皆可縮酒。不獨麻陽爲然矣。其茅
土人名蘄王草。犁而彌茂。田父畏之。故名。過新店。並
西山行。至麗陽驛。

乙丑。出驛二十餘里。陟高岡。望旭影與襄水。晃漾。余
有句云。高江明遠岫。密樹閣迴岡。久之不能成篇。晚
抵石橋驛。

丙寅。晨起渡河。望四山皆屯雲霧中。似青螺搖搖。水
上已而躋山背。或曰卽斑竹岡也。唐韓翃送人赴江
陵詩。斑竹岡迎山雨暗。枇杷門向楚山秋。是也。遂並
濱行日紀

上卷

十

荆門西山行。其山有靈鷲。荆山蒙山。西山等。遠望莫
辨。山數重。高下叅差相映。如看畫中層累山矣。

丁卯。出荆門西南行。三里至虎牙關。水經注云。石壁
色紅。間有白文。類牙形。並以物像受名。亂石巉巖。上
合下空。如虎牙重門之狀。楚之西塞也。州西有蒙惠
二泉。卽州城隍所引以爲池者。蒙山亦名泉子山。又
名象山。陸九淵號象山。本此。其州城卽子靜先生所
議築也。名勝志謂陸九淵號象山。本此。非也。楊

慈湖作子靜行狀。稱貴溪有山。實龍虎之本岡。先生
登而樂之。結茅其上。山高五里。有形如象。遂名之曰
象山。自號象山。蓋子靜自象山出。始知荆門軍也。與

地碑目云。蒙泉題味。唐沈傳師而下。得五十七人。朱震序。又有玉蕊詩。在惠泉寺內。荆門在萬山中。過虎牙山。意漸弛。竟日行平岡。所見水田稻畦無數。二十里。經關壯繆祠。祠外有馬跑泉。蓋荆州舊戰場也。是夕抵建陽驛。

戊辰。自驛渡建陽河。所經皆平疇。稻芊芊若綠雲。有吐穗者。將至荆州。二三十里。道傍多木。槿紫薇。禹貢曰。荆及衡陽。惟荆州。杜佑曰。荆強也。言其氣踈強。亦言荆驚也。或取名於荆山焉。詩人所謂荆蠻也。今縣界有故郢城。有枚一作枝回洲。有夏水口。左傳所云沈尹戌奔命於夏汭也。有荒谷。卽莫敖所縊。荒谷西北。

真行日記

上卷

十一

有野父城。又有紀南城。楚渚宮。漢津鄉故城。在今縣東也。寰宇記云。羅含宅在江陵城西。庾信亦居之。卽宋玉宅也。昔王粲依劉表在江陵。作登樓賦。蓋江陵城樓也。宋陳堯谷更名仲宣樓。今江陵雖爲重鎮。樓則烏有哉。方輿勝覽稱荆州東連吳會。南通五嶺。控扼巴蜀。下瞰京洛。爲吳蜀之門戶。水經注。曹公聞孫權以荆州借備。臨書落筆。謂其可戰可守。爲進取中原之基也。迨荆州一失。而蜀不可爲矣。余過江陵。有詩云。荒城四而少高樓。城下雲飛宿雨收。官道日斜烏相冷。野濘水落稻花秋。江分吳蜀開雄鎮。地接滇黔控上游。盡瘁武侯功不就。古今遺恨是荆州。

已巳過小河口。再數里渡荆江。卽錦江下流也。是日風順。江中一洲多居民。隔屋望蒲帆。往來甚速。豈三洲之一耶。十餘里達南岨。過江竹漸多。在道左者與草萊等。姚合詩。江村竹樹多於草。可想其槩矣。土白墳宜烏柏。冬青榆。棗而野胡椒。暑月葉輒赤。日西遇雨。雨止至孱陵驛。孱陵漢縣也。高帝五年置。水經江水又東。逕南平郡孱陵縣之樂鄉城北。釋文曰。孱。迤也。弱也。高陵至是始劣。故曰孱陵也。

庚午自孱陵南行。東望青陽湖。晃漾可愛。又數里有隄。土人名紀湖隄。藕花三里餘。香氣襲人。迤南渡馬塲河。五十里至公安縣。後漢劉備爲荊州牧。鎮油口。

滇行日記

上卷

三

卽此。

通典

建安中左將軍劉備居此。時號左公。以左公

之所安。故曰公安。

名勝志

縣數遷。荒瘠不可畱。至孫黃

驛止焉。而公安志不載青陽湖。紀湖隄。名勝志謂公安有青港湖。貴紀湖。豈青港貴紀之訛耶。抑別有其地耶。乃縣志並不載青港。貴紀。又何說也。其地宜杉。宜桂。宜木香。爲荆之南界。過此則湖南境矣。

辛未渡孫黃河。雨後水氣如秋。駐馬河干久之。五十里許。過湖汊。又數里。經豹子岡。至順林驛。驛爲澧州地。左徒所謂沅有芷兮。澧有蘭是也。故澧水亦名蘭江。楚詞又曰。捐余珮兮。澧浦。因稱珮浦。

壬申渡涔河。盧肇詩。君夢涔陽月。中秋憶棹歌是也。

時夜雨初收。大風若深秋。是日初聞蟋蟀聲。其地多水。水必有荷。竟日行香風中。六十里至澧陽橋。循澧州城望水中江豚成羣。澧陽漢零陽縣地。有崇山。卽放驪兜之所。通典水經澧水出武陵充縣西歷山東過其縣南。注云水之南岍白石雙立。厥狀類人。高各三十丈。周四十丈。古老傳言昔充縣尉與零陽尉共論封境。因相傷害。化而爲石。州城自唐李鄴侯改築。戎昱銘曰。雖崇澧城不勞澧人。南樓峩峩下壓江波。彭山下有金鳴灘。近城西南二里。相傳常有金鳴一雙出浮。故名。諺云金鳴灘頭水。彭山頂上雲。郡人以爲雨晴之候。抵暮過蘭江宿東岍。

滇行日記

上卷

三

癸酉澧州南五里渡繡水。一統志云水至此曲折如繡紋。范文正常遊此。又六七里過淒山。又數里山乃有松。久之至檀木堰。松益多。道傍雜樹爲樟。爲杉。爲雞臞子。爲雀不踏。爲貓兒茨。又名六角。爲楓香樹。少陵所謂遠岍富喬木。獨嘆楓香林也。

甲戌發清化。清化唐郡名。今廢爲驛。亂山中松益大而多。東望藥山。葱鬱有致。唐惟儼禪師所居。刺史李翱往謁。問如何是道。師以手指上下曰。雲在天。水在餅。翱因贈詩云。煉得身形如鶴形。千株松下兩函經。我來問道無餘說。雲在青天水在餅。四十里至鼇山。鋪又五里爲大龍驛。驛有大龍山。蜿蜒若龍形。驛以

此得名。

乙亥四鼓去大龍驛。夜氣微茫中無可紀者。惟道傍百蟲聲與澗水潺潺相應。時明月在南。梁山亘其前。山之上雲接天。山之下雲浮水。雲斷處乃山耳。山與天一色。雲與水同光。不知孰爲山。孰爲天。孰爲雲。孰爲月。孰爲水也。梁山舊名陽山。武陵舊經云。陽山之女。雲夢之神。常以夏首秋分獻魚。唐時以漢梁松廟食於上。改今名。錄異記云。陽山有異獸。前後兩頭。以一頭食。一頭望視。劉禹錫有梁山廟觀賽神詩。循山行五六里。久之出山。月漸低。始聞雞鳴。三十里。天乃明。見稻畦茸茸。數十頃不斷。大似江北麥秋時。過七

滇行日記

上卷

古

里橋如常德茄形似王瓜。晚多懶蟲聲。喧喧不能寐。丙子。在常德買山輿。其制與肩輿等。第無底。取便山行耳。常德漢武陵郡也。武陵先賢傳曰。潘京世長爲郡主簿。太守趙偉甚器之。問京貴郡。何以名武陵。京曰。鄙郡本名義陵。在辰陽縣界。與扈相接。數爲所破。光武時移治東山之上。遂爾易號。傳曰。止戈爲武。詩云。高平曰陵。於是名焉。方輿勝覽云。初項羽弑義帝於郴。武陵人縞素哭於招屈亭。高帝聞而義之。故曰義陵。武陵溪在城西三十里。招屈亭在郡南安濟門之右。沅水之濱。輿地碑曰。云。招屈亭。唐龍朔間縣令蔡朝英重修。刻石以紀其事。每端午日。以角黍餉飯。

揚桴中流。競渡以濟。邦人縱觀。劉禹錫有武陵競渡
曲。注云。競渡始於武陵。水經注。武陵有五溪。謂雄溪。
楠溪。酉溪。無溪。辰溪也。通典。古老相傳。楚子滅巴。巴
子兄弟五人。流入黔中。各爲一溪之長。一說五溪蠻
皆槃瓠子孫。自爲統長。非巴子也。小酉山在酉溪口。
方輿記云。山下有石穴。中有書千卷。秦人避地學隱
於此。梁湘東王謂訪酉陽之逸典是也。無溪又名巫
濩舞灘。一水五名。聲之變耳。吳國倫有次灘溪與許
給事言懷詩。駐馬山城二月過。灘溪花鳥奈君何。分
泉一洗風塵耳。不遣卮歌混楚歌。又瘴柳蠻花亦自
春。罇前白髮故相嗔。由來萬里居卮客。並是先朝諫
獵人。

滇行日記

上卷

五

丁丑在常德。製山輿未完。從者供江鱸。味美異常。魚
戊寅自常德西南行。下臨沅江。有隄亘十里。俗呼花
馬隄。又二十里至武山。一名河洑山。山不甚高。樹色
葱蒨可喜。稠綠中有盤道。踰四盤爲一天門。門對大
江。右轉竟二盤。爲二天門。門左有八角亭。亭右有細
路。修竹萬竿。掩映山門。是爲太和觀。從觀門望大江。
中分爲二。回抱一洲。二水縈繞若匹練。觀後紫薇一
株盛開。傍有小黃楊。高三尺許。下復至一天門。久之
乃去。名勝志謂山下有德勝泉。傍有西山仙井。白雲
洞遺跡。卽張虛白醉臥處。有巨石。水出其下。謂之武

陵溪卽槃瓠石也。迤西兩伏波祠。湖南伏波祠甚多。一名馬王廟。亦猶滇黔之祀武鄉耳。日中過呂鎮。再十餘里。抵桃源縣。東漢之沅南縣也。水經注曰。沅南縣後漢建武時置。縣在沅水之陰。因以沅南爲名。宋乾德初。析置桃源縣。縣無城郭。沅江逕其北。荒荒若村鎮。然采菱城在縣東北二十五里。武陵記云。其湖產菱。殼薄肉厚。味特甘。楚平王常采之。有采菱亭。

已卯自桃源十里。山漸大。又十里。行崖剡中。巖壑深窅。蟲聲唧唧。滿之。五里爲白馬渡。志所謂白馬雪濤也。袁宏道記略云。至白馬江。山益夾。水益東。雲奔石怒。一江皆飛沫。渡江五里。至桃川宮。何景明桃川宮

滇行日記

上卷

六

詩谿谷多青氛。朝暮不可知。雞鳴洞中樹。輕噉散華池。白石流丹液。靈葩耀朱蕤。誰能學丹術。遂使塵網離。其東爲桃源山。通典云。武陵桃花源記卽此地也。從細徑入。僧拙堂來迎。二十餘步。至八卦亭。額別一天。亭前碑碣甚多。自亭東上。皆石級。十餘步。爲遇仙橋。流水出其下。南有方竹亭。今廢。竹猶有存者。但細微耳。由橋側足上。數折得平臺。中石几一。三石墩環之。皆爛斑作五紋雜繡。几東有平沙。懸瀑淙淙。噴巖半洞。上下僅里許。其幽曲不可名。拙堂曰。洞口故在南壁下。老人尚記沙下爲澄潭。今擁二丈餘矣。故淵明所謂土地平曠。屋舍儼然者。不可得而至焉。紀勝

云桃源洞中有石花盆香草皆天生成又有人跡壇
在桃源宮卽唐大曆間瞿相庭上昇處名勝志又謂
桃源洞西五里烏頭村有溪相傳卽黃道真釣魚處
道真見桃花流出捨舟入洞得聞神仙秘訣後人因
目其處曰聞山夫烏頭村固不及訪所謂石盆與捨
舟入洞之跡荒唐弗可得而考矣桃源涓涓細水耳
未出山卽湫流烏有所謂桃花流出者哉予有記辨
之頗詳茲不具載已拙堂邀至淵明寺茶罷乃去道
傍杉棕烏相等樹無隙地竹有大如盤者自此草長
於人竹多於薺葉或細似針或濁如掌長尺餘不復
可識皆竹也

滇行日記

上卷

七

庚辰出鄭家驛數里樹漸多旭景草烟蟲聲秋引兩
山如峽林木被體岡勢蔽虧窅然深迴小橋流水籬
落迴映人烟縷起搏結晴霄喬木千章相與依倚異
葉交柯罕復識辨足歷目逮亦足移情山無名稱未
易僕數也食時至一村有橋俗呼陽氣橋過橋望
松林或緣半山或掩全嶂或冠嶺若峰或拔地蔽岫
遠望連空近疑路絕回複合沓不可一名深壑窈窕
氣猶太古爾其鳥則青絲畫眉白頭翁飛鳴翔舞若
笙簧徐敷也再南爲將軍山山有三楠樹一在山上
一道左一道右與人云昔縣官將往伐之雷雨輒作
土人以爲神道左者大五圍十丈許乃有枝葉厚而

光望之如此龍倒立橫掃晴霄當空山無人時吼雨
搏風爲之駭神悸骨矣道右者可四圍高次之山上
者倒而下沈人不敢取過此山漸平抵新店驛雷電
交作焉

新店竟夜雨辛巳曉行望西山雲氣或在山腰或挂
峰末過連三坡山益大樟櫟楓香皆高數丈肩輿行
山背尚仰視八九尺回睨谷底蒼蔚蒙密眩然遂深
不可紀極又十餘里草長丈許前二人撥草肩輿始
得行山中多野牛居人插標田中驅之山澗凡四十
八渡竟日行溪水中山樹處處皆畫眉聲相接也亭
午至辰龍關關險絕兩山如門中通一線其下左右

滇行日記

上卷

六

山壁立深峪迢迢者五里許蓋辰州門戶也過關峽
勢餘四里危險次之一溪汨汨然地稍潤爲界亭驛
壬午大霧如行積水中過山口碌碌僅能見丈尺從
微茫中視綠樹沉影畫工所不能到也五里許迢迢
輕輿出沒白雲中不復自識矣五里渡河土人曰親
捷河也又五里爲亂石關關高里餘南山雄秀若雲
垂天際有鳥聲如人西下爲峽兩山林木交蔭生米
蟲聲亂人語生米蟲者似蟬稻將熟乃生獲稻後卽
死故名十里至馬鞍關關背迤邐土坡耳西下斗削
壁立者里許數折至谷底約二里餘名因形似也左
高山右大壑越三里山徑始平有稻膝流水焉十五

里爲芙蓉關。關不甚高。羣山四面削立。若萬仞芙蓉。關下勢漸潤。心目恬霽。故同一花鳥。而遠近殊觀。均此烟雲。而高下異趣。時而草樹平崖。流泉在下。蒼山旣合。豁爾通人。異境固多。同致匪鮮。義取懷新。無煩屢述也。

癸未。出馬底驛。樹與山俱。雲隨峰轉。所歷如關者二所。曰青山。曰白霧。而青山坡尤高。顧東北大山。皆沒白雲。如浸海濤矣。道傍有野麻。桐油。諸樹。其大者則松杉。楓櫟。松鮮傍枝。雖孤株。亦長三四丈。材美而易生。故惟松十八焉。楓香者。葉三開。有實若橡栗。爾雅曰。楓櫟櫟。注云。楓樹似白楊。葉圓而岐。有脂而香。今

滇行日記

上卷

十九

之楓香是也。月月花綠。松稍方鮮紅。盛開三十里。至馬溺關。關後有石。下覆水。灑灑自滴。蓋雲乳也。關名馬溺。以此。昔人易泉名曰挂虹。則關亦宜名挂虹關矣。西轉爲入關路。凡七盤。至關頂。關故有柱。有梁。有坊。書關名。王師破吳賊。悉斬去之。關下凡十里。地乃平。時大雨將至。回望數日所行山中道。在雷雨杳冥中。不可復識矣。又十五里。至辰州。辰州本漢武陵郡地。光武時。武陵蠻反。馬援擊平之。吳辰陽縣。隋開皇中。改爲辰州。名勝志州荒甚。沅江流其前。水經注。沅水又東。經沅陵縣北。云北非壺頭山。在城東一百三十里。寰宇記云。後漢馬援征蠻。穿山爲室。以避炎氣。

武陵記曰山邊有石窟卽援所居石室也。一統志謂山谷間頗雜獠俗。刀耕火種。辰州風土記云辰當沅靖諸蠻咽喉出沒之地。內可以控諸蠻。外爲武陵障蔽。諸蠻不由此則商販不通。武陵不得此則諸蠻不通。雖欲高枕而臥不可得也。方輿勝覽云辰砂不出於辰。在麻陽及開山洞。今隸沅州。不屬辰也。是夕對辰州宿江樓看船上鷓鴣水獺捕魚。聞銅柱在府北一百一十里。會溪城對江。五代晉時溪州刺史彭士愁納土求銘。楚王馬希範立銅柱爲界。學士李弘臯爲銘。按李弘臯五代史無弘字。周羽翀三楚新錄亦稱記室李臯。今銅柱完好。惜不及遊。一睹銅柱形制。

滇行日記

上卷

二十

耳。銅柱銘附後

復溪州銅柱記

天策上將軍江南諸道都統楚王希範

天策府學士江南諸道都統掌書記通議大夫檢校尚書左僕射兼御史大夫上柱國賜紫金魚袋

李弘臯撰

粵以天福五年歲在庚子夏五月楚王召天策府學士李弘臯謂曰我烈祖昭靈王漢建武十八年平徵側於龍編樹銅柱於象浦其銘曰金人汗出鐵馬蹄堅子孫相連九九百年是知吾祖宗之慶倍緒綿遠則九九百年之運昌於南夏者乎今五溪初寧郡帥

內附古者天子銘德諸侯計功大夫稱伐必有刊勒垂諸簡編將立標題式昭恩信敢繼前列爲吾紀焉引臯承教濡毫載敘厥事蓋聞牂牁接境槃瓠遺風因六子以分居入五溪而聚族上古之要服中古漸爾羈縻洎師號精天相名妣氏漢則宋均置吏稍靜溪山唐則楊思與師遂開辰錦邇來豪友時恣陸梁去就在心否臧由己溪州彭上愁世傳郡印家總州兵布惠立威識恩知勸故能歷三四代長千萬夫非德教之所加豈簡書而可畏亦無辜於大國亦不虐於小民多自生知因而善處無何忽承間隙俄至動搖我王每爾含弘常加姑息漸爲邊患深入郊圻剽掠耕桑侵暴辰澧疆吏告逼郡人失寧非萌作孽之心偶昧戢兵之法焉知縱火果至自焚時晉天子肇造丕基倚注雄德以文皇帝之徽號繼武穆王之令謨策命我王開天策府天人降止借物在庭方振聲明又當昭泰眷言僻陋可俟綏懷而邊鄙上言各請効命王乃以靜江軍指揮使劉勅率諸部將付以偏師鉦鼓之聲震動谿谷彼乃棄州保險結寨憑高惟有鳥飛謂無人到而劉勅虔遵廟算密運神機跨壑披崖臨危下瞰梯衝旣合水泉無汲引之門樵採莫通糧糗乏轉輸之路固廿衿甲豈暇投戈彭師果爲父輸誠束身納款我王憇其通變爰降招携崇侯感

德以歸則。孟獲畏威而事蜀。王曰。古者叛而伐之。服而柔之。不奪其財。不貪其土。前王典故。後代著龜。吾伐叛懷柔。敢無師古。奪財貪地。實所不爲。乃依前奏。授彭士愁溪州刺史。就加檢校太保。諸子將吏咸服。職員錫命有差。俾安其土。仍頒廩粟。大賑貧民。乃遷州城。下於平峽。溪之將佐。銜恩向化。請立柱以誓焉。於戲。王者之師。貴謀賤戰。兵不染鏑。士無告勞。肅清五溪。震驚百越。底平疆理。保乂邦家。爾宜無擾耕桑。無焚廬舍。無害樵牧。無阻川塗。勿矜激瀨。飛湍。勿恃懸崖絕壁。荷君親之厚施。我不徵求。感天地之至仁。爾懷寧撫。苟違誠誓。是昧神祇。垂于子孫。庇爾族類。

滇行日記

上卷

三

鐵碑可立。敢忘賢哲之蹤。銅柱堪銘。願奉祖宗之德。引臯仰遵王命。謹作頌焉。其詞曰

昭靈鑄柱垂英烈

手執干戈征百越

我王鑄柱庇黔黎

指畫風雲開五溪

五溪之險不足恃

我旅爭登若平地

五溪之衆不足憑

我師輕躡如春冰

溪人畏威仍感惠

納質歸明求立誓

誓山川兮告鬼神

保子孫兮千萬春

推誠奉節。引義功臣。天策府都尉。武安軍節度副使。判內外諸司事。未州團練使。光祿大夫。檢校太傅。使持節。未州諸軍事。未州刺史。兼御史大夫。上

柱國扶風縣開國侯食邑一千戶馬希廣奉教監
臨鑄造

天福五年正月十九日溪州刺史彭士愁與五姓歸
明衆具件狀飲血求誓楚王略其詞鑄于柱之一隅
右據狀溪州靜邊都自古以來代無違背天福四年
九月蒙王庭發軍收討不順之人當都頭將本營諸
團百姓軍人及父祖本分田塲土產歸明王化當州
大鄉三亭兩縣苦無稅課歸順之後請祇舊額供輸
不許管界團保軍人百姓亂入諸州四界劫掠竝盜
逃走戶人凡是王庭差綱收買溪貨並都幕採伐土
產不許輒有庇占其五姓主首州縣職掌有罪本都

滇行日記

上卷

三

申上科懲如別無罪名請不降官軍攻討若有違誓
約甘請准前差發大軍誅伐一心歸順王化未事明
庭上對三十三天明神下將宣祇爲證者王曰爾能
恭順我無差徭本州賦租自爲供贍本都兵士亦不
抽差未無金革之虞克保農桑之業皇天后土山川
鬼神吾之推誠可以立鑒

靜邊都指揮使金紫光祿大夫檢校太保使持節
溪州諸軍事守溪州刺史上柱國隴西縣開國男
食邑三百戶彭士愁

武安軍節度左押衙金紫光祿大夫檢校司徒前
溪州諸軍事守溪州刺史兼御史大夫上柱國彭

師佐

武安軍節度左押衙前砂井鎮遏使三井都管使
銀青光祿大夫檢校尚書左僕射兼御史大夫上
柱國龔明芝

武安軍節度左押衙銀青光祿大夫檢校尚書左
僕射兼御史大夫上柱國田弘贊

武安軍節度衙前兵馬使前溪州左廂都押衙銀
青光祿大夫檢校太子賓客兼御史大夫上柱國
向宗彥

武安軍同節度副使攝溪州司馬銀青光祿大夫
檢校左散騎常侍兼御史大夫上柱國覃彥仙

滇行日紀

上卷

三

武安軍節度副將充溪州知後官銀青光祿大夫
檢校國子祭酒兼御史大夫上柱國朱彥驍

武安軍節度左押衙開江都指揮使知使防遏營
金紫光祿大夫檢校司徒前溪州諸軍事守溪州
刺史兼御史大夫上柱國彭允蹈

武安軍節度左押衙金紫光祿大夫檢校司徒前
溪州諸軍事守溪州刺史兼御史大夫上柱國田
倬暉

武安軍節度左押衙充溪州副使銀青光祿大夫
檢校尚書右僕射守溪州三亭縣令兼御史大夫
上柱國彭師俗

武安軍節度左押衙左義勝第三都將銀青光祿
大夫檢校刑部尚書前守富州別駕兼御史大夫
上柱國彭師杲

武安軍節度同十將前溪州左廂都虞侯銀青光
祿大夫檢校太子賓客兼監察御史上柱國龔貴
武安軍同節度副使前攝大鄉縣令銀青光祿大
夫檢校左散騎常侍兼御史大夫上柱國覃彥富
武安軍節度左押衙充靜寇都指揮使金紫光祿
大夫檢校司徒前溪州諸軍事守溪州刺史兼御
史大夫上柱國田弘佑

武安軍節度左押衙充砂井鎮遏使銀青光祿大

滇行日記

上卷

五

夫檢校尚書左僕射兼御史大夫上柱國彭師棟
武安軍節度左押衙充金澗里指揮使銀青光祿
大夫檢校尚書左僕射兼御史大夫上柱國覃彥
勝

武安軍節度討擊副使左歸義第三都將銀青光
祿大夫檢校左散騎常侍兼御史大夫上柱國彭
師冕

前溪州大鄉縣令將仕郎試大理評事兼監察御
史賜緋魚袋彭允臻

武安軍節度攝押衙充靜寇都副兵馬使銀青光
祿大夫檢校右散騎常侍兼御史大夫上柱國田

思道

銅柱高一丈二尺內入地六尺重五千斤并石蓮花臺維天禧元年十一月十五日移到至十六日豎立記

甲申發江干顧辰州在山上形如半月城中廨署望之顯顯然日出行荒岡細澗中並蘭溪者數里迤南看橫山出雲可見者山脚耳道傍婦女皆用藍布裹頭跣足着草履與男子等蓋自襄陽南下婦人多操作田間習勤務本亦由於風俗樸厚也每一溪必用草泥起數蘊蓄水水深處用水車汲諸田其制似車輪而大以木爲輻每輻懸小筩而以長木鑿雷如畦隴以水爲機水激而輪轉故挹注不窮耳是日所經皆培塿草木榛莽舉無足紀時而高山深林啼鳥戛戛輒又听然一快也將至船溪驛則流水環隄稻疇平綠千林蔽峰蔚然雲霞深藤架壑杳然無際矣

乙酉出船溪綠樹蒼崖輕輿上下溪行谷轉習便爲常矣數里望鳴脚崖山峰蒼翠欲流二十里至乾溪洞崖石懸飛可數十丈簷石高下亦可數十層每層有石筍倒垂若冰柱洞深三十里乾溪下注如洪鐘響答中蓄爲潭其深不可測洞之南壁土人積谷百餘石蓋洞可容數千人辰人避亂處也又三十里爲辰溪縣辰溪漢辰陽縣地隋分置辰溪縣九章所謂

夕宿辰陽者也。按辰溪爲五溪之一。出三嵎山。流入

沅水。

名勝志

何景明辰溪縣詩。早發辰溪渡。清川喜泛

舟。山城歆粉堞。江驛映朱樓。雨驟沙頽岫。天寒水露

洲。蠻音聞漸異。迢遞動鄉愁。日西出辰溪南門。隔江

望紫金山。嵯峨如劔戟。登舟溯流而上。約半里。乃放

舟。順流抵西岫。逶迤至丹山洞下。水渟蓄若鏡。徐行

達南岫焉。數里過紫金山。千山皆松。萬松同響。斜陽

倒影。如行綠雲世界矣。名勝志云。大西山在縣南十

里。自銅仁萬山來。至當縣西向。結爲大山。山下有洞

名大酉洞。廣記云。第十六洞天。穴生雲母。崖滴丹砂。

卽此地也。今辰溪南別無大山。惟紫金諸峰皆石。石

滇行日記

上卷

七

隙生雜樹。連日所經。惟紫金獨有紫翠色。意大酉卽

紫金也。詢之土人。無知者。又十餘里。見西山。欄綠中

一菴。時暮色將暝。炊烟裊裊。從谷底起。與長林相引。

酈生所謂渺渺禪棲者矣。三里抵山塘驛。燈下談乾

溪洞事。土人曰。驛東數十里有大猿山。山下有洞。洞

周迴徧山。亦中穴一潭。相傳有神兕異獸。潛藏其中

云。

丙戌所經。皆小澗壑。若夫穹然而高者爲山。涓然而

鳴者爲澗。呀然而邃深者爲壑。窅然而濃綠者爲林。

則習見無可驚奇矣。十五里至山口。道傍石狎獐臥

亂下。其北有溪。夏涼而冬煖。上人呼溫溪。懸注山洞。

山小不可名亦曰溫溪洞云自溫泉山發龍脉二曰小龍門其南有山迴抱三層曰大龍門形家謂龍脉所結宜出寇盜故明初有蠻爲亂末樂二年討平之遂鑿斷其脉小龍門有素封陳萬戶者家鉅富地脉旣鑿家中落遂絕今其故居遺址尚在焉又數里爲龍門橋長可三四十步兩面有櫺檻傍眺羣山翠色在掌握間矣又西南行微雨樹色愈嫩綠山中多虎多猿猴虎有獵戶所不能捕者居人號神虎猿長如人有尾啼聲若小兒時盛夏草樹茂密率匿深山中故其啼不可得而聞云

丁亥發懷化驛山不嗟峨周道漸平蓋天地清淑之

滇行日記

上卷

庚

氣至此而盡川原淺率無幽邃窳窳之觀罕可爲世人道者二十里至石門高樹鳴禽歷歷可聽過此雖無幽巖峻嶒而林松如薺綠色連岡縱矚靡涯又不覺悅心快目矣又二里並沅江行折而西兩山銜峽蛇徑低回巖樹參天不復知有地也四十里抵羅舊驛

戊子大霧行谷底鳴鳥啾啾與谷聲相應聆之若近卽而彌遠蓋白雲蒼茫視聽失真也道傍堆松杉甚多賈人由辰溪編筏入大江四方人所取材多出山中又十餘里山忽秀高岫拔地若鵬翼垂天睇視之則喬林上聳下疑無地已峰回徑絕跬步之中山意

屢變樹色異態矣。出山望積霧如海。沅辰地勢卑濕。山雲水氣結縈如烟。故曰弱不能容光也。又數里遇趙觀察浮山。班荆縱談久之乃去。再南復並辰溪行。蓋此水爲辰水入處。名辰溪。故所經爲辰溪縣。本名沅江。故所經又名沅州。一水而異名。故地亦因之而異稱也。

己丑在沅州過江西橋。沅州唐天授年改自巫州者。大曆中改爲敘州。至宋復今名。名勝志水經沅水出牂牁且蘭縣爲旁溝水。又東至鄧城縣爲沅水。隋地理志嗜好居處頗與巴渝同俗。郡國志云龍標武陽山有人。每土人聚卽來入衆。莫能辨。脚趾向後而踵向

滇行日紀

上卷

完

前以刀斧斫之不死。惟以杉木爲刀擬之卽去。古云溪山阻絕非人跡所履。良然。何景明沅州道中詩。山行多雅興。十里幾人家。林葉垂朱實。蹊藤落紫花。綠崖防轉石。傍听畏頽沙。不見前溪壑。遙聞奏暮笳。

七月庚寅發沅州。沅山不甚高。是日聞鷓鴣啼。行不得哥哥五字甚真。三十里至栗子關。關前峽中多雜樹。一徑裊裊行亂石中。里許至關背。土人曰小栗子關也。斗折下。多石稜峭壁焉。未及谷復上。谷底樹大合圍。其抄僅及足。又半里望南壁樹杳冥不可窮。久之草莽平澗。實則數十尺不見底也。五里兩山回抱如門。西下見沅江從山外來。與山相曲折。岡背鳥道

一線下臨蛟宮。與人側足號呼。並江十里。遠望一塔。當山嘴。有閣曰迴龍。時大雨猝至。投便水驛止焉。辛卯渡沅江。輿人多熟苗。言語侏儻不可辨。二十里至蜈蚣關。谷勢透迤。斗絕不可上。時而雙峽對峙。如行深壑。時而迴崖單巖。峭壁通人。蓋無徑不曲。曲必有意。百餘折至關門。秋風颭至。淒清破暑。傍睨別峰。皆與爲埒。更無絕巘能出其上者。西下陂陀三里許。乃達谷底。仍並沅江行。望江上諸山。若錦屏舒卷。與江水掩映。又三十里。仍渡沅江。至晃州驛。是日山行多鷓鴣。其聲斷續。悽然有旅思焉。

晃州驛村落夾沅江。山北多紅苗。至驛尚早。呼漁子

滇行日記

上卷

三

網魚得六頭。皆不可識。壬辰復大霧。寸步不辨人。蓋辰州已有瘴癘。第中人不覺耳。由晃州西南行。皆童山。巖谷間多榛莽細草。惟南寧鋪上下里許。若沅州山色焉。

癸巳去平溪衛。誦何景明詩。徙倚平溪館。天高秋氣清。水螢光不定。山籟響難平。夜火雲間戍。寒楓江上城。終宵無夢寐。高枕聽灘聲。西行皆荒阜。短莎五十里。渡河北。至清浪衛。爲楚南界。夫沅州下幽薊。不啻百里許。至是卑濕已極。山川草木之氣。腥腐不可通。至鎮遠。地勢漸上。故雲南與山陝等。近北方風土焉。